

欽定四庫全書薈要

集部
總集類

吉林出版集團有限責任公司
海天出版社

目次

書名	卷次	頁次	作者
御選元詩	卷二六—卷五二	四四七—一	清・康熙四十八年聖祖仁皇帝御選
卷二六		四四七—一	
七言古詩三		四四七—二三	
卷二七		四四七—四五	
七言古詩四		四四七—六六	
卷二八		四四七—八八	
七言古詩五		四四七—一一三	
卷二九		四四七—一三八	
七言古詩六			
卷三〇			
七言古詩七			
卷三一			
七言古詩八			
卷三二			
七言古詩九			

書名	卷次	頁次	作者
卷三三 七言古詩一〇 卷三四 五言律詩一 卷三五 五言律詩二 卷三六 五言律詩三 卷三七 五言律詩四 卷三八 五言律詩五 卷三九 五言律詩六 卷四〇 五言律詩七 卷四一 五言律詩八		四四七—一六二 四四七—一八五 四四七—二〇八 四四七—二二六 四四七—二四七 四四七—二六九 四四七—二九二 四四七—三一四 四四七—三三四	

書名	卷次	頁次	作者
卷四二 七言律詩一		四四七—三五五	
卷四三 七言律詩二		四四七—三七七	
卷四四 七言律詩三		四四七—四〇〇	
卷四五 七言律詩四		四四七—四二二	
卷四六 七言律詩五		四四七—四四五	
卷四七 七言律詩六		四四七—四六八	
卷四八 七言律詩七		四四七—四八九	
卷四九 七言律詩八		四四七—五一三	
卷五〇 七言律詩九		四四七—五三四	

書

名

卷

次

頁

次

作

者

卷五一

七言律詩一〇

卷五二

七言律詩一一

四四七—五五六

四四七—五八〇

欽定四庫全書薈要

集部

御選元詩卷二十六

欽定四庫全書薈要卷一萬八千四百三十八集部

御選元詩卷二十六

七言古詩三

滕斌

贈弓秋蟾

瓊花十里小樓紅
醉吞牛斗眠長虹
十年四海分萍蓬
一笑邂逅滕王洪
牀頭回首黃金空
但覺耿耿盤心胸
問蟾何不歸蟾宮
自有老月留身中
誰受一粒金丹紅
學得紙上畫墨龍
白晝呼吸風雲從
頃刻霧暗天濛濛
妙處巧奪造化工
不復知有陳所翁
君不見金陵壁上
不點腫點腫
霹靂驚江東
我欲煩君具毫楮
畫一小龍
回顧母普令天下生
孝心不向江湖長驗雨

碩裕實哈雅

岳陽樓

西風吹我登斯樓
綬光影動乾坤浮
青山對客有餘瘦
遊子思君無限愁
昨夜漁歌動湖末
一分天地十分秋

詳校官原任主事臣李斯咏

桃花巖 并序

白兆山桃花巖太白有詩近人建長唐書院來京
師時中書平章白雲相其成求詩於詞林臣李秋
谷程雪樓陳北山元復初趙子昂張希孟與僕同
賦

美人一別三千年思美人兮在我前桃花染雨入白兆
信知塵世逃神仙空山亭亭伴朝暮老樹悲啼發紅霧
為誰化作神仙區十丈風煙挂淮浦暖翠流香春自活

欽定四庫全書

御選元詩

卷二十六

二

手撚殘霞皆細末幾回雲外落清歡美人天上騎丹鶴
神遊八極棲此山流水杳然心自閒解劍狂歌一壺外
知有洞府無人間酒酣仰天呼太白眼空四海無纖物
明月滿山招斷魂春風何處求顏色

曹元用

李白酒樓

太白一去不復留任城上有崔巍樓樓頭四望渺無際
草木黃落悲清秋鳬峰插天摩翠壁汶泗迢迢展空碧

爭奇獻秀百年態作意隨人來几席諸老高會秋雲端
金壁照耀青琅玕談笑不為禮法窘酒杯更比乾坤寬
飲酣意氣橫今古玉山傾倒忘賓主謫仙人去杳何許
異代同符吾與汝誰能跨海為一呼八表神遊共豪舉

元明善

介春堂

真常真人若冰雪大年夜食清溪月誰知袖裏閔初陽
散作元元春滿堂髯龍宵吼石壇秋老竹風生翻陸江
天籟已沈羣妙集隱几嗒然今坐忘雲局不綸瞰虛白
揮謝萬象俱行客

欽定四庫全書

御選元詩

卷二十六

三

張養浩

遊香山

山行彌日山益奇亂峰挾翠如吾隨遊人聯蟻度林杪
細路一線雲間垂茫然四顧動心魄嵐光蕩秀浮雙眉
路迴寶剎忽風隨大鵬九萬離天池林煙媚景翳復吐
欲見不見神護持松藏雷雨太陰黑泉迸巖數銀虹馳

我來青帝已迴馭太古殘雪猶離離一聲啼鴉百花落
兩崖紅雨春淋漓笑驅虎豹坐盤礴悠悠萬古歸支順
須臾興盡下寥廓長風又送雲邊詩蓬萊兜率杳何處
無乃造物移於斯往年夢裏記曾到先聲已為猿鶴知
惜無奇語勒丹壁坐令清賞成絕癡斜陽忽將暝色至
山靈應怪歸鞍遲人間勝事忌多取毋使樂極還生悲

過長春宮

往年嘗夢蓬萊宮三山鼇背搖虛空滄溟俯視一衣帶

欽定四庫全書

御選元詩

卷二十六

四

銀河鼓浪來天風茲遊良不異疇昔半日恍恍迷西東
平生頗似有仙分足跡未到神先通層樓複觀此誰構
只疑天巧非人工繞簷松影黑於海步驚棲鶴翔雲中
西山亦喜得佳客巍我相向如爭功遼金興廢渺何許
今人一笑憐雞蟲須臾徧歷至方丈壺酒盤果羅青紅
心清已覺破煩暑左右況復扇兩童道人見我樂幽勝
故為留戀談無窮鼎鑪百沸失膏火風水萬里忘萍蓬
默求詩句為相答半醉揮出毫端虹煙雲滿室動鬼神

不但為彼聞盲聾笑談人境兩相稱此會詎與尋常同
却愁歸去到塵世又隨俗迹隨樊籠

西巖醉筆

興來放步白雲嶺海闊天高異人境亂山萬馬東南馳
只恐郊原碎俄頃乾坤誰管白鳥閑今古空餘野煙冷
何當結屋最上頭擺脫塵紛事幽屏

田衍

分韻

欽定四庫全書

御選元詩

卷二十六

五

清明與省郎毛潛夫杜孝先周內翰景遠元樞密
復初儒生虞德生會飲分韻得復字呈秋泉功遠

二仙伯

冠袍裹身厭拘束惜春只覺光陰蹙雪融波面綠痕添
風著花枝亂紅蕖杜陵才子本茅屋十年省署叨粟肉
檢芝番香白晝晴時尋勝友相追逐毛君古丈夫內翰
五車讀元子真英豪文華過潘陸德生味道腴閉門樂
幽獨漫郎潦倒雙髯禿志在酒船三百斛相逢一笑宇

宙間羽觴未盡還再復醉中更約二仙人共訪赤松參
辟穀

曹伯啓

休日陪漢陽諸名流登秋興亭觴咏移時塵慮
頓息但以不得會仲通為嫌因綴長句呈欽夫
僉司士元太守君平察推仲通宰公暨座中諸
友

散材生世元無堪強持陋質偕梗楠年餘耳順雪垂領

欽定四庫全書

御選元詩
卷二十六

六

誤承任使來江南公庭日午了官事西州散步成奇探
歲寒亭樹發秋興名公齒序相朝參駕鵞梅梢綻蓓蕾
鳳凰山頂飛晴嵐江水朝宗淨拖練湖光照影清揉藍
旅鴈書空度荆楚浮雲護日橫湘潭蒼茫宇宙一俯仰
形役道路何癡憨移尊偉觀排小酌紫霞澌澹堆紅柑
人生擾擾有今日座客云云無俗談長安富兒不識字
但能几案羅肥甘眼中梵剎如比櫛焉知曉事無瞿曇
知音更有驄馬客威稜坐可懲姦貪山邊聖人惡旨酒

禹廟在側故云望之不敢成醺酣一襟清興豈終極催歸黃帽
牽羸驂漁歌悠揚風色暝人影散亂波光涵船開棹進
一迴顧恩恩欠到王公菴

陪諸公杖履登梁王吹臺悠悠悼古之情不能
自已呈孟子周子文二友

天宇廓然秋已暮幽人欲作登高賦聯鑣沽酒上繁臺
千古興亡一回顧百鳥喧啾塔丰推荆榛掩映臺前路
黃花采采未成歡目斷荒城起煙霧

欽定四庫全書

御選元詩
卷二十六

七

乙卯清明沅州郊行

信馬沅江江上路歷覽芳菲忘故步因逢古廟說前朝
忽見孤舟橫野渡二難恨識十年遲四美豈期今日具
人生能得幾清明莫對殘陽怨遲暮

盧亘

題張國綱理問塞河詩卷

導河積石堯舜憂滔天之水成安流何年決壑丰南土
清淮怒卷黃雲愁宣房既築漢歌喜越巫抱壁神光起

害除梁楚二渠成海溢西南九河駛後來羣策知誰賢
何人捧土能防川彭城樓堞照黃土河平堰石愁金天
吾皇放勲超萬古澤世餘功平水土睢陽塞決付賢侯
解變狂瀾作安堵於今此功寧復有從容小試經綸手
千年遺愛在邦民春風吹水濃如酒

送李應中檢校江西

故人昔御南風來今年便逐輕鴻去短亭古堠不記人
依舊青天覆長路馬鳴日落風蕭蕭九月飛霜摧柳條
出門相顧仰天笑胸中直氣干雲霄莫恨江山連百越
自有清游醒詩骨都将萬事付無心徐孺亭前釣秋月

題金顯宗墨竹

天人賦物如天工墨光洒竹回天容千年勁玉寒不死
清波照響悲吟龍煙凝草綠承華殿鬼冷秋霜月如練
長毫寫影竹不知子夜歌殘空記面春雲一散風吹塵
茫茫海色翻青鱗金仙淚痕愁漢月尚憐玉軸隨時新
夢跨茅龍上天去女媧補天天不語海綃畫鸞生翠羽

欽定四庫全書

御選元詩

卷二十六

踏破銀灣溼河鼓射龍江深春不度風色蕭蕭怨千古
行盧溝之南書所見

幽薊忽如九天上俯視左右分秦齊萬里南來太行遠
蒼龍北峙飛雲低岡回一崦花柳暗川平百里風煙迷
大夫出門自有樂人生何必常栖栖

九月十日接駕回因遊香山寺飲於西屋之上

酒酣呈主人

迎鑾北去迷風沙看山西來走煙霞蒼山朝含太古色
長松百尺凌雲斜傑觀重樓炫金碧笑拍闌干倚天立
出門却得望東山紅樹青林亂秋色痛飲巖屋鯨吸川
徑欲醉倒秋風前但恨浮雲蔽白日使我不得瞻青天
忽忽今年負重九樹老山空復何有莫將身世媿淵明
縱有黃花無此酒

李溥光

題平陽龍神張誠叔別業長歌

始山之東山之隅龍神風物美且都泉清樹茂田膏腴

欽定四庫全書

御選元詩

卷二十六

中有太古仙民居云是仙人之故廬龜趺千字存遺墟
右岡左林跨修途前潭後阜開畫圖柳居竹塢當門閭
藥畦花圃相縈紆三間茅屋藏堪輿延賓有齋爨有厨
壁間懸琴架積書文楸在榻酒在壺棣花春風歡友于
紫蘭芝草羅庭除田蠶春磴賈陶漁牛羊騾馬雞豚鳧
絲麻委婢耕委奴歲時足以供百需打門未始驚吏胥
繞屋時聞幽鳥呼主人況乃非世儒王門懶曳鄒枚裾
胸中素有廊廟謨冥鴻未可世網拘振衣歸來弗躊躇
欽定四庫全書 御選元詩 卷二十六 十一

青鞵布襪竹杖扶南窗寄傲忘居諸一觴一咏日自娛
高情澹澹寄太虛出岫野雲同卷舒寬兮綽兮短不踰
優哉游哉樂有餘人間有此安養區輞川盤中未必如
平生我亦山澤癯所經佳勝神與俱田園之樂獨讓渠
知君之樂孰若吾

孟淳

過浮雲宿七尺

山雲連客歲晚行小雨遽止雪不成陰霾漸開日隱見

軋軋荀輿和澗聲谷中青煙一縷起忽散無迹旋復生
上嶺下嶺頗費脚草徑犖確仍斜橫千林葉盡百草瘁
喬松勁竹吾同盟野梅解后亦數數雪色風香相送迎
路無里堠界遠近晨行暮止那記程田家團圞地爐煖
新醅旋潑肥雞烹泛舟溪上豈不樂吾獨何為無此情
任士林

送徐春野 并序

往年徐春野來綜吾州吏事朔風裘馬意氣偉甚

欽定四庫全書

御選元詩

卷二十六

十一

今紫髯飛雪告父老以去人貧以仕君仕而貧吾
不知人事竟何如也其所遊松鄉任某歌以送之
昨日之酒月滿樓今日之酒月滿舟三十度月月圓缺
期君看月丹山頭君攜月色錢塘去我有濁酒誰為酬
功名一紙政復爾歲月兩髯歸來休柳橋久負秋夜笛
花鬢老憶春風喉鵬雲正南眼歷歷鯤海未運天悠悠
雄雞一聲騎當發男兒頂上簪公侯

李唐春牧圖

春氣薰人未耕作江草青青牛齒白牛飢草細隨意嚼
老翁屈膝睡亦著蓬頭不記笠拋却午樹當風夢搖落
夢裏牛繩猶在握昨夜困頭牛食薄

馬祖常

題惠崇畫

龍門千尺梧桐樹多在石崖懸絕處上有古巢生鳳凰
鳳凰臺高山水長吳蠶八繭白雲絲畫史落筆光陸離
江天萬里莫射雁春草年年出湖岸

欽定四庫全書

御選元詩

卷二十六

十三

淮安路池山

淮浦蒲花秋渺渺淮岬楊花春裊裊白魚初下酒船來
十里風煙隔飛鳥吾生欲向淮安居更聞池山好田廬
濯足滄浪箕踞坐不問朝家求聘車

寄鄉友

河邊老父念我出遠寄京華書一行謂言白髮今多少
又報南園竹樹荒門前石田耕秫熟犢子新生走如鹿
莫戀官家有俸錢長年作客身如束

上京書懷

燕子泥融蘭葉短疊疊荷錢水初滿人家時節近端陽
繡被羅衫雙佩光共笑江南五雜組畫鷁浮波供角黍
沙苑射柳追風駒古來北地為名區

息齋風竹圖道士華山隱得之命余賦之

往年家住貧簪谷丹鸞之實美如粟元雲翻空下深靚
昆吾寶刀削秋玉石衣清錦侵書光風微粉隨生細香
琳館瑤臺九天近夜寒笙磬聲鏘鏘萬斛蒼煙鬱江雨
二妃彈瑟瀟湘浦耶筒蜀酒亦堪酤蟠石雙杖令誰取
河朔歲晏冰為梁羣木鱗皴臨雪霜遲汝狂飈莫吹裂
截管他年侑帝觴

秋意

銀林墜露下高桐竹練含冰留麝籠蒲萄酒作瑪瑙紅
湘娥江邊采芙蓉月華流影天漢東素商淒清颺微風
草根知秋有鳴蛩

寄家書

欽定四庫全書

御選元詩

卷二十六

十三

春雲閣雨花泥少池上波平飛白鳥
薊中河外盡天涯
蓮葉圓時身到家

貢奎

贈送蒙古字周教授

周宣石鼓久剝落浮雲變化字迹訛
八分小篆亦已廢
紛紛行草何其多洪惟盛世自作古制書
勒石傳不磨
知君達時尚所學落筆星斗光森羅
蒙恩千里領教職
養育多士培養我諧音正譯妙簡絕窮究
根本芟繁柯
欽定四庫全書
御選元詩
卷二十六
十四

牙籤玉軸點畫整照耀後世推名科
愧予鄙俚事章句

儒冠多誤將如何

將過池陽留別諸叔兄弟諸友人二首

拍手唱歌莫放狂舉觴飲酒莫令醉
歌聲出口難為情
酒味入腸化為淚男兒書劍從此始
歲晚煙江片帆起
相如題柱過長安靖節歸栗里人生窮達固有時
我輩行藏得其理沙頭執別意如何
莫對酒莫聽歌我
折梅花君折柳明日天涯愧奔走
世路茫茫重回首

有耳不聽陽關詞有口不飲長沙酒
丈夫肯作兒女情
對酒悲歌惜分手天荒地久歲云暮
飛霜急霰勢欲走
丘巒奔摧山月隨鯨鯢翻波江水破
江水萬里從天來
長風日夜千帆過皇英二女今遼絕
太白千年古離別
往者不可追浮生何足悲君不見延平風雷起
一夕神劍會合當有時

贈任丹碧鍊師

火雲壓峰斜日明下照百尺清溪橫
丹葩碧樹光爛爍
妙筆可作詩無聲買田築屋者誰子
江海欲歸吾老矣
袖中豈無千世書當年曾說黃冠師

贈張姓

張家女兒八歲餘手把椽筆誇能書
翠眉玉貌畫不如
一朝獻藝承明廬風雲會合冠佩集
當面濡毫翻墨汁
弱身窈窕纔過膝步腕迴旋萬鈞力
怒鯨橫海枯樹立
震空忽隨顛崖石功成直與造化俱
歛見聲名起京邑
紫衣家昔年少兒寶刀瓊帶羊角觴
平生一字不到眼

對此悄然顏色赧君不見蔡文姬班婕妤風流文采絕
代無吁嗟陶家五男子總令紙筆為荒蕪

無題

空房獨卧風夜號孤燈垂燼光影搖舊語已逐香塵消
玉琴瑤珥應自玩巧計却愛蛛絲嬌

高侯畫桑落洲望廬山

楚江浩浩山礧礧澹然粉墨凝冰綃直峰橫嶺藏曲折
筆力巧處疑鐫雕高堂淨如拭坐覺風蕭騷暮雲春樹

欽定四庫全書

御選元詩

卷二十六

七

隱復見人家半落滄洲遙中有隱者居平生不受東林
招日夜千帆萬柁過未已誰肯拂袖同寂寥我愛高侯
得天趣所見歷歷窮秋毫米家父子稱好手率意尚復
遭譏嘲靈機直恐神鬼設變態叵測魚龍驕玉峽飛孤
泉香爐障層霄自憐失脚行萬里微官羈繫何由逃焚
香沽酒靜相對長日令人愁恨消

袁伯長虞伯生約重賦次其韻

長江西來生遠洲極目疑作人間秋奇峰列筍拔地起

晴嵐積翠凌空浮當時懷抱真快事笑撥短棹隨鳬鷗
乘清弄影歌窈窕洗淨萬斛黃塵愁風濤激岸石欲裂
日月出海雲還收別來閒身隨羈束撫手歎惜年光流
高侯胸中蟠景槩落筆肯為仙翁留神工超出八極表
下視海岳如浮漚至人不遣魂作夢咫尺已足窮追搜
我愛題詩招靖節況有二子鳴相酬便當開尊醉其下
髣髴領畧為黿頭蒼煙歷歷辨廬屋丹樹晔晔明林丘
安得高侯數相見添寫一葉南歸舟

欽定四庫全書

御選元詩

卷二十六

十七

除日登大巖山

大巖顚顚昂衆峰長年秀色摩蒼穹中峰獨高勢最雄
支牽脈貫相附庸朝賓大明滄海東岫雲勃鬱凝青紅
懸崖萬仞寒潭空下有晴雪生喬松形勞膽怯望莫窮
但覺一氣浮鴻濛松推雪凍藏蟄龍峰顚鎮以龍王宮
擁潭出雲如白虹妖魃却走年穰豐南村北崦篁樹叢
喧招巫覡撾鼓鍾苔荒怪石低復崇嵌空欲隨疑神功
直者覆釜橫列壙森布兵戟羅羣童盤迴絕頂路杳通

扳藤舉膝撐心胸嗟余北遊覽岱宗太行西來連華松
浮生萬里隨飛蓬夢寐豈與當時同虎行草偃吹烈風
苦寒側翅號冥鴻麻姑敬亭知幾重李謝空復遺塵蹤
悲來狂呼亦鯁公五湖煙波駕孤蓬

贈楊生

生能琢研

余聞江東之山出新安千峰萬嶺龍屈蟠黃山崔嵬九
華對雄雌時作風雨會中藏龍尾氣清淑山骨稜層石
如玉六丁呵護雲氣漫不知何年鑿深谷南唐綠研膚

欽定四庫全書

御選元詩

卷二十六

六

起鱗手摩潤澤疑新浴羅紋刷絲名漸殊谷深水淺真
難復舊石既無新石出貴介視之輕瓦礫楊生琢磨獨
非常手持一二來豫章百金酬價猶自惜故家云有千
歲藏或聞山崩泉脈湧翻令當時遺石動至今散落樵
牧家敲火磨刀隨日用衝煙踏雨忽驚逢席裹纒包不
辭重我嗟拙書好蓄收松煙禿兔非其雋嗚呼人生抱
才坎壈勿輕許時來相遭亦如此

題商侯畫山水圖

秦鞏諸山天下美相君愛山心獨喜商侯落筆圖畫裏
盤迴咫尺藏千里遠山天際抹修眉近山淡黛連雲起
下有百尺清溪水石闌木盾懸崖底時見行人去如螳
危橋吹斷橫沙尾村落林園接遐邇雲中世家重釋流
東劉凌虛構華侈撾鐘擊鼓兩巖間西刻輝煌賀蘭氏
商周遺俗亦在耳豈無當時隱君子我欲追遊繭雙趾
却愛孤舟岼旁艤商侯商侯巧能擬安得從之慰我思
呼酒盡埽溪藤紙

欽定四庫全書

御選元詩

卷二十六

十九

濟州

究泗支流魯山麓會濟分河向南北扁舟高枕卧看山
青入齊雲雨新沐六年歸老敬亭閒忘却塵埃道路間
松聲入夢山巖裏驚散風帆去千里

題趙虛一山水圖

我愛青山欲歸去偶見生綃喜還住層巒疊嶂遠冥濛
旭日東升光彩注簾陰微閃數枝丹疑是巖前半開樹
晴嵐曉翠千萬重一覽底須攜杖屨郭生十年不相見

筆意從容入天趣青田道人如瘦鶴能跨生駒窮海岳
何如挂此素壁間終日焚香相對閒政爾胸中有丘壑
烏帽黃塵漫飄泊向來山中我醉眠白雲孤飛興悠然
清幽到處畫不出自遣數語人間傳

送郭教授歸鎮江

長江日夜東南來千巖萬壑雲屏開樓船挾纊行若飛
白晝擊鼓轟晴雷屹然中流浮兩峰颶風撞瀾勢欲迴
珠宮貝闕掩靈怪滉漾百尺瓊瑤堆扶桑之西接巨島
日月出沒荒城隈英雄遺迹尚可識人物往往鍾奇才
嵯峨黃鶴起煙霧杜鵑花落蒼莓苔當時我馬曾駐息
浩歌散策為徘徊霜髯古色猶在眼恍若薄夢隨飛埃
六年買屋住京雒鳳毛忽來光璨璫論文問舊喜復歎
詩酒解后常開懷如何掉頭不肯住笑張短席懸歸桅
故山早晚我亦往莫遣猿鶴相驚猜

許有壬

李惟中學士自西臺侍御召入以未央宮瓦硯

欽定四庫全書

御選元詩

卷二十六

二十

為貺作此謝之

漢家作宮法紫微金鋪玉戶明華棟甄官陶瓦極能事
鉛丹細搗咸陽泥一朝神雀去不返秋風禾黍驚離離
谷陵且變此宜盡一二時出農夫犂人間購求作珍玩
洗刷篆籀分毫釐西臺執法好事者磨磨為硯尤瑰奇
體呈全璧徑尺許沼開新月才一眉堅如鐵石潤如玉
墨聲瑟瑟松風吹惠然匣送感高義但惜所與非所宜
公才真是謫仙喬善事利器方相資嗟余蕪學忝詞館
雖有此器無能為世傳銅雀亦佳品搜荆黃瓊今無遺
高皇垂統四百載老瞞何物敢等夷愛人屋上烏亦好
況茲適用逾端溪楮生毛穎賀得友坐令几案增光輝
代言揮制固多愧玉堂風月猶能詩

題趙幹江樓風雨圖

人間叢雨東南限金陵李家無遠謀詞華欲繼後庭曲
不見東風空上樓當時百事尚纖麗況在畫工專末技
洪河喬岳昧平生曲闌幽檻窮清致石頭城下無重關

欽定四庫全書

御選元詩

卷二十六

三十一